

KHUTBAH AIDILFITRI

1444 HIJRAH / 2023 MASIHI

• خطبة عيد الفطري



KHUTBAH AIDILFITRI 1444 H

Oleh:

TUAN GURU HAJI ABDUL HADI AWANG

KHUTBAH PERTAMA

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ،
اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ،
اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ.

الحمد لله وحده، صدق وعده، ونصر عبده، وأعز جنده، وهزم الأحزاب وحده. أشهد أن لا إله إلا الله وحده لا شريك له، له الملك وله الحمد، وهو على كل شيء قدير. وأشهد أن محمدا عبده ورسوله، البدر الدجى والسراج المنير.

والصلاة والسلام على رسول الله، نبي الرحمة، وشفيع الأمة، وعلى آله وصحبه ومن والاه. أما بعد:

فَيَا عِبَادَ اللَّهِ! اتَّقُوا اللَّهَ، وَتَزَوَّدُوا فَإِنَّ خَيْرَ الزَّادِ التَّقْوَى، فَقَدْ فَازَ الْمُتَّقُونَ.

“Wahai hamba-hamba Allah! Bertaqwalah kepada Allah (dengan mengikut segala perintah-Nya dan meninggalkan segala larangan-Nya), dan carilah bekalan (dunia dan akhirat). Maka sebaik-baik bekalan itu ialah bertaqwa kepada Allah. Maka berjayalah mereka yang bertaqwa kepada Allah.”

Muslimin dan Muslimat yang dirahmati Allah,

Hari ini kita berhari raya bersempena dengan ibadat puasa Ramadan yang menjadi rukun Islam, dalam bulan kita menjadi tetamu Allah dengan ibadat puasa dan ibadat-ibadat yang lain.

Mudah-mudahan, Allah menerima ibadah puasa dan amalan-amalan yang lain yang telah dilakukan sepanjang bulan Ramadan yang mulia dan mendapat kelebihan Lailatul Qadar pada malamnya.

Selesaiya Ramadan bermakna kita mencapai kemenangan melawan hawa nafsu di dunia dan mengharapakan kemenangan syurga pada Hari Akhirat dalam keadaan bebas daripada neraka.

Pada masa yang sama, kita memperingati kemenangan Islam dalam Peperangan Ahzab yang berlaku pada bulan Syawal tahun yang ke-5 Hijrah Rasulullah SAW, yang kita ulangi menyebutnya dalam setiap takbir:

وَهَزَمَ الْأَحْزَابَ وَحَدَهُ

“Dan Allah membinasakan bala tentera Ahzab dengan keesaan-Nya (tiada yang lain daripada-Nya).”

Peristiwa paling mencabar dan menguji umat Islam pada zaman Rasulullah SAW, ketika umat Islam dengan jumlah yang sedikit dibandingkan dengan musuh yang mengepung Madinah berlipat kali ganda ramainya.

Bala tentera Ahzab ialah pakatan orang-orang Yahudi dan Musyrikin. Apabila orang-orang Yahudi itu mengkhianati perjanjian ketika berada di Madinah di bawah kerajaan Islam dalam keadaan mereka diberikan layanan yang baik, tidak dipaksa masuk Islam.

Sepatutnya mereka mengikut Rasulullah SAW yang telah dijanjikan di dalam kitab mereka dan diberitahu kedatangannya oleh para rasul dan ulama' mereka. Firman Allah Taala:

﴿الَّذِينَ آتَيْنَاهُمُ الْكِتَابَ يَعْرِفُونَهُ كَمَا يَعْرِفُونَ أَبْنَاءَهُمْ وَإِنَّ فَرِيقًا مِّنْهُمْ لَيَكْتُمُونَ الْحَقَّ وَهُمْ يَعْلَمُونَ﴾

“Orang-orang yang kami datangkan kepada mereka akan kitab mengetahuinya (Muhamad SAW) seperti mereka mengenal anak-anak mereka dan sesungguhnya sebahagian daripada mereka menyembunyikan perkara yang benar dalam keadaan mereka mengetahuinya (berilmu).” (Surah al-Baqarah: 146)

Hanya sedikit sahaja orang-orang Yahudi yang masuk Islam menyebabkan mereka menjadi manusia yang dimurkai oleh Allah. Walaupun demikian, mereka diterima menjadi kerajaan Islam dan dilayan dengan adil.

Tiba-tiba mereka melakukan pengkhianatan terhadap Allah dan Rasul-Nya, sehingga merancang untuk membunuh Rasulullah SAW. Perkara ini menyebabkan mereka dihalau keluar.

Malangnya, mereka mengambil tindakan yang lebih ganas apabila melakukan kempen dalam kalangan kabilah Arab Musyrikin khususnya di Makkah supaya menentang Islam.

Oleh kerana mereka adalah ahli kitab yang berilmu berkenaan ajaran agama, maka disalahgunakan bagi menentang agama Allah yang mereka tahu kebenarannya dan benarnya rasul yang diutuskan oleh Allah pada akhir zaman. Firman Allah Taala:

﴿أَنْظُرْ كَيْفَ يَفْتَرُونَ عَلَى اللَّهِ الْكَذِبَ وَكَفَىٰ بِهِ إِثْمًا مُّبِينًا ﴿٥١﴾ أَلَمْ تَرَ إِلَى الَّذِينَ أُوتُوا نَصِيبًا مِّنَ الْكِتَابِ يُؤْمِنُونَ بِالْحِبْتِ وَالطَّاغُوتِ وَيَقُولُونَ لِلَّذِينَ كَفَرُوا هَؤُلَاءِ أَهْدَىٰ مِنَ الَّذِينَ ءَامَنُوا سَبِيلًا ﴿٥٢﴾ أُولَٰئِكَ الَّذِينَ لَعَنَهُمُ اللَّهُ وَمَن يَلْعَنِ اللَّهُ فَلَن تَجِدَ لَهُ نَصِيرًا ﴿٥٣﴾﴾

“Perhatikan, bagaimana mereka berbohong terhadap agama Allah (Islam). Cukuplah dengan sebabnya mereka melakukan dosa yang nyata. Adakah kamu tidak menyaksikan mereka yang diberikan sebahagian kitab, tiba-tiba mereka percaya kepada syaitan dan pemimpin yang melampau sesatnya, dan mereka berkata kepada orang-orang kafir (Musyrikin) itu bahawa mereka (orang kafir Musyrikin itu) yang lebih baik mendapat hidayah yang betul daripada orang-orang yang beriman (kepada Allah dan Rasul-Nya Muhamad SAW). (Dengan sebab itu) mereka dilaknat oleh Allah, sesiapa yang dilaknat oleh Allah nescaya engkau dapati tiada siapa yang dapat menolongnya.” (Surah al-Nisa’: 50-52)

Akhirnya mereka berjaya mengumpulkan bala tentera yang sangat ramai bagi menyerang Madinah dan menghapuskan Islam, ketika jumlah orang Islam tidak ramai. Maka menjadi satu ujian yang sangat menakutkan dan menggerunkan. Firman Allah Taala:

﴿يَا أَيُّهَا الَّذِينَ ءَامَنُوا أَذْكُرُوا نِعْمَةَ اللَّهِ عَلَيْكُمْ إِذْ جَاءَتْكُمْ جُنُودٌ فَأَرْسَلْنَا عَلَيْهِم رِيحًا وَجُنُودًا لَّمْ تَرَوْهَا وَكَانَ اللَّهُ بِمَا تَعْمَلُونَ بَصِيرًا ﴿٩﴾ إِذْ جَاءُوكُم مِّن فَوْقِكُمْ وَمِنْ أَسْفَلَ مِنكُمْ وَإِذْ زَاغَتِ الْأَبْصَارُ وَبَلَغَتِ الْقُلُوبُ الْحَنَاجِرَ وَتَظُنُّونَ بِاللَّهِ الظُّنُونًا ﴿١٠﴾ هُنَالِكَ ابْتُلِيَ الْمُؤْمِنُونَ وَزُلْزِلُوا زِلْزَالًا شَدِيدًا ﴿١١﴾ وَإِذْ يَقُولُ الْمُنَافِقُونَ وَالَّذِينَ فِي قُلُوبِهِم مَّرَضٌ مَّا وَعَدَنَا اللَّهُ وَرَسُولُهُ إِلَّا غُرُورًا ﴿١٢﴾﴾

“Wahai orang-orang yang beriman! Ingatlah ni‘mat Allah kepada kamu, peristiwa ketika datangnya bala tentera (Ahzab yang sangat ramai), lalu kami menghantarkan kepada kamu angin dan bala tentera yang kamu tidak dapat melihatnya. Dan adalah Allah itu Maha Melihat apa-apa yang kamu kerjakan. Ketika mereka datang untuk menyerang kamu daripada atas dan bawah (mengepung kamu), sehingga ada orang yang terlalu dalam ketakutan terbeliak mata, terjeluak keluar jantung dan menyangka terhadap Allah dengan berbagai-bagai (sangkaan). Di sana ada pula ada orang-orang munafik (berpura-pura) Islam dan orang-orang berpenyakit dalam hatinya (lemah imannya) mendedahkan dirinya dan berkata: Bahawa janji Allah dan rasul-Nya (bahawa Islam akan menang) hanya menipu sahaja.” (Surah al-Ahzab: 9-12)

Allah juga menyebutkan keadaan orang-orang yang benar-benar beriman. Firman Allah Taala:

﴿وَلَمَّا رَأَى الْمُؤْمِنُونَ الْأَحْزَابَ قَالُوا هَذَا مَا وَعَدَنَا اللَّهُ وَرَسُولُهُ وَصَدَقَ اللَّهُ وَرَسُولُهُ وَمَا زَادَهُمْ إِلَّا إِيمَانًا وَتَسْلِيمًا﴾

“Dan manakala orang-orang yang benar-benar beriman melihat kedatangan bala tentera Ahzab, mereka berkata: Inilah apa yang telah dijanjikan oleh Allah dan rasul-Nya. Sungguh benar Allah dan Rasul-Nya. Dan tidaklah menambahkan kepada mereka melainkan iman dan Islam yang lebih kuat.” (Surah al-Ahzab: 22)

Mereka menerima kedatangan musuh dengan bertambah iman dan kuat Islamnya bersama Rasulullah SAW dengan percaya kepada janji Allah dengan kemenangan dunia dan syurga di Hari Akhirat.

Rasulullah SAW melaksanakan cadangan Salman al-Farisi RA supaya menggali parit menjadi garis pertahanan Madinah, dan berlakunya pertolongan Allah yang mengalahkan bala tentera Ahzab yang berpecah dan berundur kalah dengan cara yang luar biasa.

Para jemaah yang dirahmati Allah!

Hari ini kita menyebut kemenangan itu bersama takbir hari raya yang disunatkan hukumnya. Bukan sahaja memberikan semangat dengan mengingati sejarah kemenangan Islam yang telah berlaku lebih seribu tahun, bahkan hendaklah mengingatkan kita bahawa apa yang dalam al-Quran berlaku sepanjang zaman.

Pada zaman kini kita sedang menghadapi bala tentera Ahzab yang menentang Islam di seluruh pelosok dunia. Bukan sahaja diserang melalui tentera dan senjata seperti yang berlaku di Palestin, Afghanistan dan Iraq yang telah membunuh manusia, binatang, memusnahkan rumah kediaman, kebun dan ladang, termasuk merosakkan alam sekitar.

Peperangan atas nama menentang keganasan dengan menuduh Islam dan umatnya ganas, sebaliknya mereka yang zalim itu datang menipu membawa kebebasan dan demokrasi, tetapi melakukan keganasan lebih daripada binatang apabila membunuh semuanya termasuk kanak-kanak, perempuan dan orang tua.

Mereka menentang Islam melalui kefahaman yang salah berkenaan politik, ekonomi, pendidikan, akhlak dan lain-lain melalui pelajaran dan penyiaran yang dibaca dan dilihat, khususnya media baru (Internet) dan lain-lain, dalam keadaan orang Islam berada dalam kejahilan murakkab (tidak sedar dirinya jahil dan berasa pandai).

Mereka tidak tahu bahawa semua perkara itu daripada ajaran Islam, lalu ditipu semua perkara sehingga negeri boleh dijajah lagi, hasil negeri terus dicuri dan dirompak, rakyat dihamba abdikan lagi menjadi pekerja, bukannya menjadi tuan yang memerintah dan menguruskan dalam tanah air sendiri.

Dalam kalangan orang Islam pula ada yang menjadi alat kepada musuh, walaupun ada ilmu agama dan ilmu dunia, seperti ahli kitab di zaman dahulu. Akan tetapi kerana mencari kesenangan dunia (pangkat dan harta) sanggup menjadi alat kepada musuh. Demikianlah, mereka yang disebutkan oleh firman Allah Taala:

﴿وَأْتَلُّ عَلَيْهِمْ نَبَأَ الَّذِي ءَاتَيْنَاهُ ءَايَاتِنَا فَانْسَلَخَ مِنْهَا فَاتَّبَعَهُ الشَّيْطَانُ فَكَانَ مِنَ الْغَاوِينَ ﴿١٧٥﴾ وَلَوْ شِئْنَا لَرَفَعْنَاهُ بِهَا
وَلَاكِنَّهُ أَخْلَدَ إِلَى الْأَرْضِ وَاتَّبَعَ هَوْنَهُ فَمَثَلُهُ كَمَثَلِ الْكَلْبِ إِنْ تَحْمِلَ عَلَيْهِ يَلْهَثُ أَوْ تَتْرُكُهُ يَلْهَثُ ذَلِكَ مَثَلُ الْقَوْمِ
الَّذِينَ كَذَّبُوا بِءَايَاتِنَا فَاقْضِ الْقَصَصَ لَعَلَّهُمْ يَتَفَكَّرُونَ ﴿١٧٦﴾﴾

“Bacakan kepada mereka, cerita orang yang berilmu berkenaan ayat-ayat kami, lalu dia melepaskan dirinya daripada mengambil petunjuk (ajaran Allah), maka syaitan menggunakannya daripada belakang, lalu dia termasuk daripada kalangan orang yang sesat dalam kelalaian. Kalau kami kehendaki dia boleh mendapat kelebihan dengannya, tetapi diam mahu kekal dengan (kesenangan) di atas bumi (alam dunia) lalu dia mengikut hawa nafsunya, maka jadilah seperti anjing yang sentiasa menjelir lidahnya, sama ada engkau membawa sesuatu (makanan) kepadanya atau engkau tidak membawa apa-apa (kerana sentiasa ingatkan makan sahaja), maka sebutkan cerita ini mudah-mudahan mereka berfikir (dengan betul).” (Surah al-A’raf: 175-176)

Mereka inilah golongan yang disabdakan oleh Rasulullah SAW:

هُم مِّنْ جِلْدَتِنَا، وَيَتَكَلَّمُونَ بِأَلْسِنَتِنَا.

“Mereka daripada bangsa kita dan bercakap dengan bahasa kita.” (Riwayat al-Bukhari, no. 7084)

Para jemaah yang dirahmati Allah!

Sedarlah bahawa musuh Islam lebih mudah merampas tanah air kita dan merompak harta kita kerana kita sedang berpecah dan ada yang berperang saudara, sedangkan musuh itu bersatu menentang kita. Allah telah memberikan peringatan dalam al-Quran dengan firman-Nya:

﴿وَاطِيعُوا اللَّهَ وَرَسُولَهُ وَلَا تَنَازَعُوا فَتَفْشَلُوا وَتَذْهَبَ رِيحُكُمْ وَأَصْبِرُوا إِنَّ اللَّهَ مَعَ الصَّابِرِينَ ﴿١٦١﴾﴾

“Dan taatilah Allah dan Rasul-Nya dan jangan kamu berkelahi, nanti kamu gagal dan hilangnya kekuatan kamu. Dan bersabarlah kamu sesungguhnya Allah bersama dengan orang-orang yang sabar.” (Surah al-Anfal: 46)

Walaupun jumlah orang Islam lebih ramai, namun mereka tetap menerima akibatnya juga sekiranya tidak berpegang teguh dengan petunjuk Allah.

Jika sekiranya berpegang dengan ajaran Islam, beriman dan beramal dengannya nescaya mereka mendapat pertolongan Allah walaupun jumlahnya sedikit.

Agama Islam dipelihara oleh Allah dan cahayanya menembusi segala halangan. Hari ini kita menyaksikan Islam masuk ke benua Eropah dan Amerika dalam keadaan mereka menentang dengan pelbagai cara melalui undang-undang yang zalim dan fitnah bagi memburukkan Islam dan menghina orang yang berdakwah, begitu juga mereka yang mengajar dan berjuang menegakkan Islam.

أعوذ بالله من الشيطان الرجيم

﴿هُوَ الَّذِي أَرْسَلَ رَسُولَهُ بِالْهُدَىٰ وَدِينِ الْحَقِّ لِيُظْهِرَهُ عَلَى الدِّينِ كُلِّهِ وَلَوْ كَرِهَ الْمُشْرِكُونَ﴾

“Dialah (Tuhan) yang telah mengutuskan Rasul-Nya dengan petunjuk dan agama yang benar, supaya dia memenangkannya walaupun dibenci oleh orang-orang Musyrikin.” (Surah al-Saff: 9)

بَارِكْ اللَّهُ لِي وَلَكُمْ فِي الْكِتَابِ وَالسُّنَّةِ، وَنَفَعَنِي وَإِيَّاكُمْ بِالْآيَاتِ وَالْحِكْمَةِ. أَقُولُ قَوْلِي هَذَا وَأَسْتَغْفِرُ اللَّهَ لِي وَلَكُمْ
وَلِجَمِيعِ الْمُسْلِمِينَ وَالْمُسْلِمَاتِ، فَاسْتَغْفِرُوهُ، إِنَّهُ هُوَ الْعَفُورُ الرَّحِيمُ.

KHUTBAH KEDUA

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ،
اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ،
اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ. وَأَشْهَدُ أَنَّ مُحَمَّدًا عَبْدُهُ. وَرَسُولُهُ. اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَمَنْ تَبِعَهُ، وَنَصْرَهُ وَوَالَاهُ. أَمَّا بَعْدُ:

فَيَا عِبَادَ اللَّهِ، أَوْصِيكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ. وَتَزَوَّدُوا فَإِنَّ خَيْرَ الزَّادِ التَّقْوَى.

Muslimin dan Muslimat sekalian!

Marilah pada hari raya hari ini kita merasakan betapa besarnya nikmat iman dan Islam yang dikurniakan kepada kita oleh Allah SWT. Dan hanya kematian dalam iman dan Islam sahaja yang diredai oleh Allah SWT sebagaimana firman-Nya:

﴿يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تُقَاتِهِ، وَلَا تَمُوتُنَّ إِلَّا وَأَنْتُمْ مُسْلِمُونَ﴾

“Wahai orang-orang yang beriman! Bertaqwalah kamu kepada Allah dengan sebenar-benar taqwa dan janganlah kamu mati melainkan kamu dalam keadaan beragama Islam.”
(Surah Ali ‘Imran: 102)

Pada hari ini juga hendaklah kita ingat betapa besarnya ni‘mat persaudaraan Islam yang dianjurkan dalam Islam. Tanda iman seseorang ialah dia kasih kepada saudara seagama dengannya sebagaimana dia kasih kepada dirinya sendiri. Sabda Rasulullah SAW:

﴿لَا يُؤْمِنُ أَحَدُكُمْ حَتَّىٰ يُحِبَّ لِأَخِيهِ مَا يُحِبُّ لِنَفْسِهِ﴾.

“Tidak beriman seseorang dalam kalangan kalian sehingga dia kasih kepada saudaranya sebagaimana kasihnya kepada dirinya sendiri.” **(Riwayat al-Bukhari, no. 13)**

Sehubungan itu hendaklah lahir di dalam hati setiap orang Islam perasaan sedih terhadap bala bencana dan kesusahan yang menimpa umat Islam di serata dunia, sama ada mereka yang ditimpa gempa bumi, dilanda peperangan, kemiskinan, kebuluran dan wabak penyakit seperti di Turki, Syria, Lubnan dan Yaman. Juga terhadap umat Islam yang sedang dijajah, dizalimi dan dibunuh serta ditindas seperti yang sedang berlaku di Palestin, Myanmar dan sebagainya.

Jika tidak mampu membantu mereka dengan wang ringgit dan tenaga, sekurang-kurangnya melalui doa dan munajat kepada Allah supaya memberikan pertolongan kepada mereka dan membebaskan mereka daripada penderitaan dan kezaliman manusia yang dihadapi itu.

Muslimin dan Muslimat sekalian!

Pada hari yang mulia dan penuh barakah ini, marilah kita membanyakkan ucapan selawat dan salam ke atas Nabi Muhamad SAW yang telah menyampaikan Islam kepada kita setelah melalui pelbagai bentuk jihad dan pengorbanan. Tanda kasih kita kepada Baginda dirakamkan melalui ucapan selawat dan salam sebagai memenuhi perintah Allah di dalam al-Quran:

﴿إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا﴾

“Sesungguhnya Allah dan para malaikat-Nya sentiasa berselawat ke atas Nabi, maka wahai orang-orang beriman ucapkan selawat dan salam ke atasnya dengan sungguh-sungguh.”
(Surah al-Ahzab:56)

اللَّهُمَّ صَلِّ عَلَى مُحَمَّدٍ وَعَلَى آلِ مُحَمَّدٍ، كَمَا صَلَّيْتَ عَلَى إِبْرَاهِيمَ وَعَلَى آلِ إِبْرَاهِيمَ. وَبَارِكْ عَلَى مُحَمَّدٍ وَعَلَى آلِ مُحَمَّدٍ، كَمَا بَارَكْتَ عَلَى إِبْرَاهِيمَ وَعَلَى آلِ إِبْرَاهِيمَ فِي الْعَالَمِينَ إِنَّكَ حَمِيدٌ مَجِيدٌ.

اللَّهُمَّ اغْفِرْ لِلْمُؤْمِنِينَ وَالْمُؤْمِنَاتِ وَالْمُسْلِمِينَ وَالْمُسْلِمَاتِ الْأَحْيَاءِ مِنْهُمْ وَالْأَمْوَاتِ. رَبَّنَا اغْفِرْ لَنَا ذُنُوبَنَا وَذُنُوبَ وَالِدِينَا وَارْحَمْهُمْ كَمَا رَبَّوْنَا صِبَاغًا. رَبَّنَا اغْفِرْ لَنَا وَإِخْوَانِنَا الَّذِينَ سَبَقُونَا بِالْإِيمَانِ وَلَا تَجْعَلْ فِي قُلُوبِنَا غِلًّا لِلَّذِينَ ءَامَنُوا رَبَّنَا إِنَّكَ رَؤُوفٌ رَحِيمٌ.

اللَّهُمَّ أَعِزَّ الْإِسْلَامَ وَالْمُسْلِمِينَ، وَأَذِلَّ الشِّرْكَ وَالْمُشْرِكِينَ، وَالتَّفَاقَ وَالْمُنَافِقِينَ، وَالظُّلْمَ وَالظَّالِمِينَ. اللَّهُمَّ إِنَّا نَجْعَلُكَ فِي نُحُورِ أَعْدَائِنَا وَنَعُوذُ بِكَ مِنْ شُرُورِهِمْ. اللَّهُمَّ رُدِّ كَيْدَهُمْ عَلَى نُحُورِهِمْ. اللَّهُمَّ بَدِّدْ شَمْلَهُمْ وَفَرِّقْ جَمْعَهُمْ وَشَتِّتْ كَلِمَتَهُمْ وَزَلِّزْ أَقْدَامَهُمْ، وَسَلِّطْ عَلَيْهِمْ كَلْبًا مِنْ كِلَابِكَ.

اللَّهُمَّ انصُرْ إِخْوَانَنَا الْمُجَاهِدِينَ وَالْمُسْتَضْعَفِينَ فِي فَلَسْطِينَ، وَفِي عَزَّةَ، وَفِي سُورِيَا، وَفِي كُلِّ مَكَانٍ. اللَّهُمَّ قَوِّ عَزَائِمَهُمْ، وَاجْمَعْ كَلِمَتَهُمْ، وَثَبِّتْ أَقْدَامَهُمْ، وَانصُرْهُمْ عَلَى أَعْدَائِهِمْ.

اللَّهُمَّ آتِ أَنْفُسَنَا تَقْوَاهَا، وَزَكِّهَا أَنْتَ خَيْرٌ مِنْ زَكَّاهَا، أَنْتَ وَلِيِّهَا وَمَوْلَاهَا. اللَّهُمَّ أَرِنَا الْحَقَّ حَقًّا وَارزُقْنَا اتِّبَاعَهُ، وَأَرِنَا الْبَاطِلَ بَاطِلًا وَارزُقْنَا اجْتِنَابَهُ. اللَّهُمَّ أَصْلِحْ سُلْطَانَنَا، وَأَيِّمْتَنَا وَوَلَاةَ أُمُورِنَا، وَاجْعَلْ وَلَايَتَنَا فِي مَنْ خَافَكَ وَاتَّقَاكَ يَا رَبَّ الْعَالَمِينَ.

رَبَّنَا ظَلَمْنَا أَنْفُسَنَا وَإِن لَّمْ تَعْفِرْ لَنَا وَتَرْحَمْنَا لَنَكُونَنَّ مِنَ الْخَاسِرِينَ. رَبَّنَا لَا تُغْرِغْ قُلُوبَنَا بَعْدَ إِذْ هَدَيْتَنَا وَهَبْ لَنَا مِنْ لَدُنْكَ رَحْمَةً إِنَّكَ أَنْتَ الْوَهَّابُ. رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ وَاجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

وَصَلَّى اللَّهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ. وَالْحَمْدُ لِلَّهِ رَبِّ الْعَالَمِينَ.

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَاللَّهُ الْحَمْدُ.

SUMBANGAN DANA DIPERLUKAN

BANTU KAMI TERBITKAN 30 JUZU'
TAFSIR ULAMA' KONTEMPORARI MALAYSIA



YAYASAN PERMATA UMMAH
564 221 673 601
Ref: Dana Tafsir



Tuan Guru Haji Abdul Hadi Awang telah mengajar pengajian tafsir di Masjid Rusila, Marang semenjak tahun 1976.

TENTANG TAFSIR AL-TIBYAN

Hasil daripada pengajian tafsir di Masjid Rusila ini pernah diterbitkan beberapa surah pilihan tertentu sahaja dan ia masih belum lengkap 30 juzu'.

Oleh yang demikian, satu projek penghasilan Tafsir al-Tibyan secara lengkap akan digerakkan pada tahun ini dan dijangka akan siap pada tahun 2025.



Kitab Tafsir 30 Juzuk Al-Quran ulama' Melayu kontemporari yang pertama!



Digarap daripada pengajian tafsir di Masjid Rusila, Marang bermula pada tahun 1976 sehingga kini.



Metodologi penyusunan tafsir kontemporari melalui **penglabelan ayat mengikut 7 kategori** - Ahkam, Qanun, Sirah, Aqidah, Akhlak, Siasah, dan Dakwah.



Tafsir ulung **berbahasa Melayu penuh** yang mudah difahami.



Disemak oleh barisan ahli akademik dan panel yang berkepakaran.